

Kodo si Unionen



UNIONEN

O maj bari Švedoski organizacija pala o privatno butjako trajo

Unionen si e maj bari švedoski butjarnengi organizacija. Ando totalo si la maj dekin 700.000 membrurja. Amare membrurja keren butji ande sa e domene, katar bare internacionalni grupe ži ka cigne biznisoske thana thaj biprofitoske organizacije thaj asocijacije. Po but butjake thana si jekh lokalno organizacija ande forma katar jekh butjarnenge organizacijako klubo ili ande forma katar alosarde membrurja, save maren pala o sigurimos thaj pala o progreso lenge kolegonengo. Amen pačas te kidas sa e zora po butjako than ande jekh jekutni butjarnengi organizacija. Amen pačas ande kooperacija.

E membrurja katar Unionen

Sa e butjarja ande jekh butjako than šaj aven membrurja katar Unionen pe vrjama katar lengo privatno butjako trajo, independentno katar lengi pozicija, lengii edukacija ili lengi pokin. Po eksempla, but šerutne si membrurja thaj but membrurja getisarde lenge studije po jekh akademija ili po jekh universiteta.

E organizacija Unionen patjal na numa amare profesionalna membronen nego vi studentonen thaj ženen, save keren autonomno butji.

Vuni butivare profesije e membrongen katar Unionen si projektongo manadžeri, inženjeri, administratori, ekonomo, konsultanto pala informacijaki tehnologija, texničko, komunikatori, manadžeri, bitjinari thaj aver.

O pravo te organizil-pe ande organizacije pala butji ando Švedo

Po švedosko butjako marketo si tut o pravo te aves membro ande jekh butjarnengi organizacija, katar savi gindis, kaj gadja šaj grizil maj mišto pala tjire intjereznurja po tjiro butjako than. Jekh butjako gazda či tromal te oprisarel tut, kaj kames te organizaris tut ande jekh butjaki organizacija. Si tjo pravo pala o švedosko zakono.

E butjarnongo majoriteto ando Švedo si membrurja katar jekh butjaki organizacija. Generalno egzistirin lače relacije maškar e butjarnenge organizacije thaj lenge kontrahentur, kē liduje partije si len o interes, kaj but žene organizarin-pe, te von šaj ažutin svakones, kana ankerdjon krisake vorbe thaj sporazumurja.



E pokinjake kontrakturja ando Švedosko modelo

Pokinjake kontrakturja si o fundamento katar e „švedosko modelo“. Kathe e partikularni kondicije katar sajekh branša si organizuisarde thaj lašarde katar e butjarnenge organizacije thaj e bizničarjenge asocijacije khetane. E aktualni khelemaske pravilurja pala e kontrakturja si inkludime ande butjaki legislacija, ali averdata e politikaki lumnja na hamil-pe ande administracija thaj ande formacija e pokinjake kontrakturja. Gado modelo kompiniil vi fleksibilnost thaj vi, pala e branše specifični, ekstremno lače kondicije pala e biznisoske preduzeče, thaj vi sigurimos thaj influjencia pala e butjarnja thaj službenikurja.

Pokinjake kontrakturja – jekh lačno bazikano sigurimos

O pokinjako kontrakto si jekh voluntarno decizija pe sama katar tjire kondicije thaj pravurja po butjako than, maškar e butjake gazde thaj e butjaki organizacija, savi organizil e žene, save keren butji po butjako than. Jekh efekto e pokinjako kontraktosko si, kaj si o lačno bazikano sigurimos, savo inkludil maškar aver o pravo po jekh beršesko pokinjako barjalimos, direktive pala e butjaki vrjama thaj pala o butjako formato, jekh adicionalno kompenzacija pala bibutjaki vrjama, savi tribuj o dad ili e daj anda e čhave vi anda nasvalimos maj lungo, jekh katar e maj lače švedoske penzijake siguracije (ITP) thaj e pravo po informacija thaj influjencia. Paše 8 katar 10 membronen katar Unionen si len pokinjake kontrakturja po lengo butjako than, thaj Unionen anzarel skoro 100 diferentni pokinjake kontrakturja. O sporazumo si o maj importantno istrumento katar Unionen, te garantuil sigurimos thaj influjencia po butjako than pala savore.

Unionen po butjako than

Andi butji si o žanglimos, o angažmano, e loš thaj e voja te lačharel thaj te konkretil e butjake kondicije. Ande Unionen si amen paše 30.000 alosarde reprezentanturja (membraurja, save keren butji pala e butjarnengi organizacija), save kamen te lačharen cira, vi penga korkorre thaj vi pala lenge kolego po butjaki than.

Khetane amen progonis amare problemurja, keren kooperacija thaj krisake vorbe e butjake gazdesa.

Unionen ande Švedo

Unionen postojil katar 18 regionurja, katar Unionen Norrbotten ando sever žika Unionen Sydväst ando Južno Švedo. Ande sajekh regiono si jekh birovo, thaj kana thaj kana varegači. Gado mothol-pe, kaj amen sam ande pašimos, kana regionoske butjake thana trubuj te si len dumo pe sama katar butjake organizacijake pušimata. E maj but regionurja organizuin kursurja, sikavimata thaj aktiviteturja tala lengi patronaža, save si normalno bilovengo.

Amaro membromos

O ciljo katar Unionen si, te del dumo e membronen ande e virxurja thaj ande e fundaka prdal-pe e butjaki vrjama. Amen anzaras jekh membromos, savo istarel dumo thaj hazne, save den tut sigurimos, evolucija thaj o šajlimos te pipnisares tjiro butjako trajo, independentno kodolestar, dali si tut jekh butji, dali tu rodes jekh butji, dal tu ka aves manadžeri ili fundosares jekh firma, ili dali tu sitjosares. Četisar maj but katar Unionen thaj katar amaro membromos po unionen.se.

Na bistar e bibutjaki siguracija (A-kassa)!

Kana san membro katar jekhe bibutjarnenge siguracija, šaj theres jekh kompenzacija, te xasares tjiri butji. Pe vrjama jekhe interimno faza ka theres jekh kompenzacija pe baza tjire maj anglune dobindaki. Jekh bibutjarnengi siguracija thaj jekh butjarnengi organizacija si diferentni organizacije. O membromos ande e bibutjarnengi siguracija katar Unionen ili ande jekh aver bibutjarnengi siguracija na mothon-pe avtomatično jekh membromos ande e butjarnengi organizacija katar Unionen thaj mujal.

Maj but informacija si po <https://hejakassa.se/other-languages/>



UNIONEN

E MAJ BARI BUTJARNENGI ORGANIZACIJA KATAR O ŠVEDO

Mišto avile amende sa e žene save keren butji ando privatno butjako trajo, nezavisno savi edukacija ili savi posicija len si.

Maškar amare membrurja si but manadžerja thaj vi autonomnurja thaj studenturja. Amari vizija si te keras khetane **prosperiteto**, **sigurimos** thaj **baxtalimos** ando butjako trajo.